



15 AÑA DI EL GAUCHO

E siman aki tabata tin un celebracion na un di e restaurant nan di mas famoso di Aruba, esta "El Gaucho Restaurant" cu ta situa den Wilhelminastraat. Pa e motibo aki, famianan, amigonan, conocirnan, y specialmente e empleadonan a reuni pa asina celebra e hecho aki y tambe desea otro pa hopi mas aña di existencia. E restaurant, cu a bira famoso pa su parillada argentina, ta practicamente yen tur anochi. Turistanan y tambe hendenan local ta gusta e menu y specialmente e cariño personal cu semper nan ta ricibi di e doñonan y di e empleadonan. DIARIO tabata presente na e celebracion, y akinan por mira con feliz esnan presente tabata.



DOMINICANONAN TA SOLIDARIO CU CONSUL

ORANJESTAD (AAN): E noticia cu DIARIO a publica ayera encuanto e operacion baho di un banda na Republica Dominicana, cu ta specializa su mes pa engaña su clientenan cu na Aruba tin trabao na gran cantidad, tin cas na abundancia, y cu nan ta haya permiso facil, a ocasiona hopi reaccion.

DIARIO a ricibi diferente reaccion riba e asunto aki,

mustrando cu hopi biaha na Aruba nan ta culpa e Dominicanonan cu ta bini e isla aki na un forma di bisa: "inocente" y sin cu nan ta na altura kico realmente ta sperando nan aki.

Algun Dominicano a keda sumamente asombra cu e Consul nobo di Republica Dominicana tin e curashi di denuncia e tipo di abusonnan aki, y nan ta sumamente con-

tento cu siquiera na Aruba tin un hende cu ta lanta para y ta purba di evita cu mas Dominicanos pover ta cay den e trapanan aki.

Un lector hasta a remarca na DIARIO cu a bira tempo pa puntra e 'victimanan' aki pa e identificacion di e abusadornan na Republica Dominicana, y publica nan nomber na Aruba y tambe na Santo Domingo pa asina caba

cu e bagamunderia aki.

Pero DIARIO a ricibi informacion cu no ta solamente e tipo di hendenan aki cu ta haciendo e negoshi aki. Tin indicacion cu for di Venezuela tambe lo tin personanan di contacto cu ta percura pa busca hende, pidi nan un cierto suma, y manda nan pa Aruba cu e promesa cu nan lo ricibi alohamento,

cuminda, y principalmente un empleo.

Departamento di Inmigracion na Aruba ta na altura di e asunto aki. Pa tal motibo si Gobierno introduci e asina yama "landingsvergunning" pa viaheronan procedente di Republica Dominicana, Jamaica, Suriname, y Peru.

E tipo di "visa" aki seguramente lo por yuda den e 'crackdown' di ilegalnan.